



- Di fammi prete, ùn mi sentu degnu. Mi feragghiu duttore.

U babbu ùn fiatò. Messé si tastò s'ellu c'era. A povera mamma, timendu qualchi parapiglia, disse pianu :

- Va bè, pensèmuci. Ne riparleremu dumane.

Un ci fu arte di fà cambià idea a Quarisiminu. Ma i mezi, duve truvalli ?

- Lasciatemi parte - disse ellu -, e mi sbruglieragghiu.

A vigilia di l'ottu settembre fecenu tutti e tre u pelegrinaggiu di Lavasina. Ci andonu a pedi e scalzi, i scamberoni in bisaccia, da pudèllisi mette per travancà Bastia.

Ghiunti ch'elli funu, a cena fu pane e cipolla. E dopu, gran parte di a notte a passonu in preghera. A criderete ? A mane di a festa, quand'elli ebbaru fatu a sò cunfessione e a santa cumunione, a mamma, cummossa e felice, senti chi forse a Quarisiminu l'aiutu di a Madonna, madre di u bon cunsigliu, ùn serebbe mancatu.

I frati di u conventu, avisati da u piuvan- nu, avianu fattu una bona manera a i nostri amici. Prima ch'elli ripartissenu, u padre guardianu dete a u giovanu un bigliettu per un cunfratellu di Pisa.

- Li scriveragghiu ancu più per filu e per segnu - assicurò - E s'ellu pò, viderai ch'ellu t'aiuterà.

Quando e cose si presentanu bè, vanu lisce sinu a in fondu. Cù a mente oramai più serena, ripassendu per Bastia pensonu di fassi un girettu pè u vecchju portu.

Ne valse a pena.

Quarisiminu ùn si saziava di cuntemplà i batelli chi scarcavanu e ricarvanu mercanzia d'ogni natura : ferramenti, giarette, robba di friscia, robba di palmu, carbone, tavule, tronchi d'arburu, curtece di sùeru.

U padrone d'un bastimentu di Viareggiu, culpitu da l'espressione di quellu voltu, chi riflettìa l'ambizione interna, li fece mottu.

- E cusì, bel giovine, vi piace sta barca ? A vulete vede ancu sopra ?

- E cumu ! - rispose prontu -. Mi ferebbe veramente piacè.

- Allora, arrivàtevi.

Cullonu tutti. Cusì, una parolla piglia l'altra, seppenu chi u bastimentu serebbe ripartutu dui jorni dopu; e, sì, ch'ella ùn ci serebbe stata nisuna difficoltà a purtà in terra ferma un giuvanottu cusì cumpitu. Ancu di rigalu, pur ch'ellu aiutasse, a l'occasione, u cucinaru di bordu.

In ssa manera Quarisiminu si n'andò sinu a Viareggiu, e da culà sinu a Pisa, a studià medicina.

L'alloggiu u li detenu i frati di San Francescu. U vittu, parte u si stentò e, quand'ellu avia propiu u corpu a lampione, in parte u succorsenu quellu paniolu e quell'ampullina, chi a mamma l'avìa ficcatu a l'appiattu in fondu aa prisacca.

In Pisa stete quattr'anni. Un vi dicu altru, ch'osinnò a storia di Quarisiminu diventa un rumanzu. Vi risparu ancu e segrete angosce di i poveri genitori di a Rusticaccia. Cun quellu figliolu luntanu, i jorni e i stenti pisavanu doppiu. E cumu serebbe andata a fini ? Dio solu a sapia. Un li sustenia più mancu l'affetu paternu di u vecchju piuvan- nu, chi unu avia tardatu a lascialli pè i ratagghj eterni. Una sera, a termine di u quart'annu, più trista e più buggia che mai - c'era fora un tempu d'acqua e ventu chi spulvinava - un trottò a l'uscii i fece trasaltà.

- Hai intesu ? - disse a donna, meza insischita.

- Serà stata una canocchiula, lampata da u tempurale.

Un altru picchju più forte, datu cun

qualchi petra, annunziò ghieru. L'omu s'alzò, levò a stanga e apri, fece justu a tempu a fantòmacu in puntu di cascalli tirò dentru, impietusitu. Era malamente ricunnuscibile, tuttu osse.

Ancu di grazia ch'ella c'era allucata ùn si sa da quandu per una fundariccia d'acquavita. ebbe a forza di fàllali scandil- stilla a stilla. E cusì, a quellu nu, aiutatu da una bella fiarata chizzuli u giovanu ripigliò vita li sfilò i panni crosci, u strufinò gutuppò in un cuvertogghiu di p e, puntatu u sacconu accant'a mettì a dorme. A parlà, ci sere tempu.

Nunda vale a bella giuventù. ghiornu, Quarisiminu, chi a mamma babbu avianu viggghiatu senza occhju, si discitò di colpu, aleg- cum'e un picchju. Tra i basgi e ci, parlò di i sò studj, di i sò bon- si, di l'amici ch'ellu s'avìa ac- lascendu in ombra sacrificj e amari. Mustrò ancu u diploma c' sacrava duttore.

- O Signore ! - fece a mamma menu fiera che sbiguttita - Quatt- patimenti per un fogliu di cartapo- Almenu per una settimana, da vicini junse una vera pruced- parentelli e persone cunnosciute - la franca, di curiosi - a rallegra ritornu di u giovanu. Ma, ch'ellu curà malati u figliolu fi Filgenia quand'elli ne discurriau tra di el un sprupositu.

Quarisiminu averebbe vulsutu manu a u babbu in campagna. M

